

**5 Oct 23**

**Genre: Horror**

**Type :Fictonal Story**

Vo kehte hai na ki ek ayeena hamesha sach bolta hai, ek ayeene ke andar itne raaz hote hain jiski hum kalapna bhi nahi kar paate. Dosti bhi ayeene ki tarah hoti hai, ek acha dost ayeene ki tarah hi humein humare aeb btata hai, humein sudharte hai aur humara sah deta par kaisa ho agar vohi dost tumhe kisi aisi jagah dhakel de jahan se tumhe koi pukarte huye nahi sun sakta aur jaha se tumahre vaps aane ka koi rasta nahi hota. Aur aaj ek kahani hum bhi lekar aaye hain.

Heena aur Ayesha dono pakki saheliyaan thi, hasna, gana, khelna, koodna, bahar ana jana, shopping karna, har cheez dono ek sath karti thi. Ayesha ko aaye din koi na koi uski khoobsoorti ko lekar sarahaya karta tha vo poore college mein sundar hone ke sath topper hone ke liye bhi mashorr thi. Heena bhi kam khoobsoorat nahi thi gora rang, lambe kaale baal meethi awaz chehre par masoomiyat. Par fr bhi naa jaane kyu heena ayesha se hmesha khud ko kam hi maani thi. Aur isi wajah se vo kyi baar apna mann khrab kar liya karti thi. Dono ek doosre ke sath apni har choti badi baat sanjha kiya karti thi, ayesha aksar btaya karti thi ki usey ek ladke se pyar hai par vo ladka kaun hai usne ye baat heena ko bhi nahi batayi. Heena ki maa nahi thi aur pitaji ki aamdani bhi itni achi nahi thi ki vo apni beti ka har ek shauk poora kar sake. Isi ke vipreet Ayesha ke maa aur papa dono hi sarkari naukri karte the aur apni beti ka har ek shauk poora kiya karte the. Vo heena ko bhi apni beti ki tarah hi maante the heena ke pass jab paise naa hote to ayesha usey apne paise se cheezein khareed kar diya karti jo kayi baar uske pita ji ko pasand nahi ata tha.

Ek din heena ke ghar ek bahut ameer gharane se rishta aya. Uske pita ka to jaise maano khushi ka thikana hi nahi tha, heena bhi bahut khush thi kyuki usey apne sapno ka rajkumar uski zindagi mein ata dikh raha tha. Par kismat ko kuch aur hi manzoor tha heena ke ghar ushi ladke ke maa baap rishtaaye the jise ayesha pasand karti thi. Ye baat heena bilkul nahi jaanti thi. Voh mann hi mann apni shadi ke sundar sapne sajane lag gyi. Jis ladke ka rishta heena ke ghar aya tha uska naam vishal tha .vishal bahut hi samajhदार insan tha usey bhi heena utni hio pasand aayi jitna vishal heena ko pasand aya . ek din heena ne vishal ke baare ayesha ko bataya aur zahir tha ayesha bahut khush hui. Par jab heena ne vishal ki photo ayesha ko dikhayi to uske muh se hasee to maano hawa ke jhoke ki tarah gyaba ho gyi. Photo dekhkar vo kuch na boli. Aur waha se chali gyi. Heena kokuch samajh mein nahi aya par usne ye nazarandaz kar diya. Dheere unka rishta pehle jaisa naa rehkar thoda alag sa ho gya jaise maano ab unmein dooriyaan aa gyi hon.

Ayesha jab mandir jaya karti to use ek aurat hamesha vaha bheekh mangti hui dikha karti thi. Kai bar jab ayesha uske pass se guzra karti to vo aurat uski or dekhkar bas yahi kaha karti 'tujhmein jo baat hai vo sirf main janti hu, ek bar mil, teri kismat main badlungi. Jo tera hai vo vapas tere pass laut ayega' par ayesha use nazar andaz karke waha se chale jaaya karti. Vishal ka khyal ayesha apne mann se chaahkar bhi hata nahi paa rhi thi. Usey kahi na kahi hara hua mehsoos hone laga aur usmein badle ki aag panap uthi. Kafi dino baad jab vohi bheekharan ayesha ko firse dikhi to usne us aurat ka peecha kiya. Uska picha karte karte heena ek jungle ke raaste pahuch gayi. Usey uss raaste mein jane se darr to lag rhaha

tha par uske dimag mein uss aurat ki baat baar baar ghoom rahi thi. vo kisi bhi haal mein vishal ko pana chahhti thi. Kuch 2 palo mein hi ayesha ki nazro se vo aurat gayab ho gyi. Ayesha ne jaise hi nazar ghumakar dekha to vo aurat theek uske piche khadi hui thi. Fati hui safed saree pehene vo aurat ayesha ki aankhon ankhein dalkar kuch badbadaye jaa rhi thi. Ayesha itnio ghabra gyi ki vo behosh ho gyi jab usey hosh aya to vo uss aurat ke jhopde mein leti hui thi. "ye tum mujhe kaha lekar aayi ho ? main kaha hu?" ayesha ne poocha aurat ne jawabb diya "teri kismat mein likha jisne chheena hai kya vo vaps nahi chaiye tujhe ?" ayesha ne jawab "main iske liye kuch bhi krungi" .Aurat ne sawal kiya " keemat bahit bhari padegi kya tu usey chuka payegi?" haan chuka dungi, bolo kya chahiye ?" aurat chup ho gyi aur ek dam se hanskar boli - " Ek Rooh" ayesha neswal kiya main tumhe apni rooh nahi de sakti par kisi ki laakar zarur de sakti hu, isse mera badla poora ho jyega aur tumhara kaambhi ho jayega". Aurat zor zor se hasne lagi aur boli ki agar tujhe apni chahat ko pana hai to tujhe iss baat par dhyan dena hoga ki ismein teri jaan bhi ja sakti hai. Ayesha boli - manzoor hai. Mujhe bato ki mujhe karna kya hoga. Aurat ne usey 3 din ke anushtan ki vidhi samjhayi aur kaha ki ek baar agar usne ye totka kiya to vo usey kisi keemat par palat nahi sakti. Ayesha badle ki aag mein iss qadar jal rahi thi ki usne bina soche samjhe haa kardi. Aurat boli ki ye vidhi humein bhagwan ko nahi balki shaetaan ko khush karne ke lie karni hogi. Ayesha hichkichati hai par haan kar deti hai. Anushtan ke liye usey nagnawastha mein baethne ke liye bola jata hai. Anushtaan adhi raat ko akrna tha isiliye ayesha apne ghar jhuth bolkar us aurat ke pass chali aati hai.

Waha heena ke ghar uske aur vishal ke gharwale khushi khishi un dono ki shadi ki tareekh pakki kar dete hain. Dono ki khushi ka koi theekana nahi hota. Kahi na kahi heena ke mann mein ayesha ke prati jo bhi jalanm ki bhavna thi vo ab khatam ho chuki thi par ayesha heena aur vishal ki zindagi ko apne hatho mein thaame baethi thi. 3 raao tak anushtan aisa hi chalta raha tha , pehle anushtan ki raat ayesha ko 2 jaanwaro ki bali dene ke liye kaha gaya to usne 2 bakro (goats) ki bali di aur unka dil nikal kar shaetaan ko bheth ke roop mein diya. Agli raat ayesha ne Heena aur vishal jaise dikhne wali 2 gudiya bnai aur kuch aise mantra phooke jiski vajah se vishal aur heena ke beech mein bina kisi baat ke kataksh paeda hone lagi. Teesre din ayesha ke mann mein khushi jaagi kyuki vishal usse khud baat karne aya aur usne heena ke bare ayesha ko bataya ki heena ke sath shadi karne ke faesle ko lekar uska mann dagmaga sa raha hai. Vahi jab heena se ayesha ki baat hui to heena ne bhi ayesha se vishal ke baare baat ki par vo apni shadi fr bhi nahi todna chahti thi. Ye sun ayesha ko gussa aya par usne apna mann shant rakha anushtan ki aakhri raat ko uss aurat ne ayesha ko raat ke 3 baje heena ke angan mein vishal ki gudiya ko dafan karke aane ke liye kaha. Ayesha theek vaisa hi kart i gayi jaisa jaisa usey vo aurat kehti gayi. Ayesha to ajise maano apni pehchaan ko poori tarah se bhool chuki jahan vo roz din mein 2 baar bhagwaan ki pooja kiya karti aur mandir jaya karti vahi ab vo dekhne layak halat mein bhi nahi reh gayi thi. Teesri raat jab vo anushtan poora hua tab uss aurat ne ayesha ko bataya ki abse theek ek hafte baad jab heena aur vishal ki shadi ki tyaari shuru ho gyi to vishal khudba khud ayesha ki or khicha chla ayega. Vo shadi tod dega aur heena ki jagah par vishal ayesha se shadi karega. Jaise hi ayesha aur vishal ka saatwa aur aakhri phera poora hoga, heena ki maut ho jayegi aur uski rooh us aurat ki ho jayegi.

Shadi ko jab 5 din bache the to ayesha ko khud ke andar kuch aise badlaav mehsoos honashur ho gaye jo usne aaj tak mehsoos nahi kiya tha,. Vo poori trah se shakahari thi, anda, maas, maachli usne bachpan se hath bhi nahi lagyai thi par achanak se usey maas khane ka mann karne lag gya .sham ko jab ayesha ki m,aar taar se sookhe huye kapde

utaar rahi thi to unhe apne aangan mein mara hua kabootar mila usey dekhkar uski maa achanak se chilla uthi “ hey bhagwan ye kaisa anarth hai?” ayesha apni maa ki awaz suinkar bhagi chali aayi aur usne bhi vo mara hua kabootar dekha. raat ko jab ghar mein sa bhi so rhae the to ayesha ki maa frige se paani lene ke liye uthi aur unhone jo dekha usey dekhkar unke paero tale zameen khisak gayi Ayesha ki maa ne ayesha ko nahi balki uske andar panap rahe shaetaan ko dekha, ayesha ki surkh laal aankhein jismein nafrat bhari hui thi . aur uske hath jismein us kabootar ka khoon lipta hua tha uske pankh aas pass bikhre huye the aur ayesha us kaboota ke maas ko kacha chabane lagi thi. Ye dekh uski maa ghabra kar bhagne lagi tabhi ayesha ne apni maa ki gardan ko dabochkar unhe maarne ki koshish ki. Aur usi samay jaise uske andar ki awaz jaag uthi , apni patni ki awaz sunkar jab ayesha ke pita ki neend khuli to unhone ayesha ko awaz di aur ayuesha ne apni maa ko ek dm se chorh diya . aur phoot phoot kar rone lagi kyuki use ye ehsas hua ki uske sath kuch galat ho raha hai. Jaise taise jab raat beeti aur baki ke din guzre to heena aur vishal ki shadi ka din bhi aa gya. Ayesha bhi unki shadi mein maujood thi aur sab kuch dekh thi. Jab phere hone shuru huye to ayesha ke mann mein vishal ko lekar jitne sapne unko hawa lag gyi fr uski nazar bheed emin chupi uss aurat par padi aur vo door se usey yehi baayt keh rhi thi, “teri kismat main badlungi. Jo tera hai vo vapas tere pass laut ayega “ jaise hi aakhri phera poora hua heena zor zor se hsne lagi aur usey khoon ki ulti hone lag gyi, ye dekh sabhi ghabra gaye. Vo airat zor zor se hasne lagi kyuki jaise hi heena ne dam toda sath hi vishal aur ayesha ki bhi maut bhi maut ho gyi. Kyuki ayesha ne jo anushthan kia usmein usne apni , heena ki aur vishal teeno ki rooh shataan ko bheth kar di thi. Isiliye iss nafrat kli aag mein teen zindagiyan jalkar raakh ho gyi.